

BIOGRAFIJA

Nusret Selimović, glavni inspektor policije, na poziciju komesara Uprave policije MUP-a Kantona Sarajevo imenovan je Odlukom Vlade Kantona Sarajevo od 13. augusta 2019. godine, čime je istom dodijeljen čin generalnog inspektora policije.

U policijskim strukturama je od 1991. godine. Radio je u Sektoru kriminalističke policije – CSB Sarajevo kao kriminalistički tehničar, a od 1993. godine kao istražitelj – inspektor u Odjeljenju kriminalističke policije SJB Hadžići, zatim u Odjeljenju za narkomaniju Sektora kriminalističke policije i Odjeljenju za krvne, seksualne i delikte međunarodnog javnog prava.

Godine 2002. postaje načelnik Odjeljenja za koordinaciju i usmjeravanje u Sektoru uniformisane policije MUP-a KS, te šef Odsjeka za internu reviziju i inspekciju u Jedinici za profesionalne standarde.

Od 2004. godine radio je kao komandir Policijske stanice Centar, te načelnik Odjeljenja za edukaciju u Uredu policijskog komesara.

Od 2008. godine je bio na poziciji komandira Jedinice za saobraćaj u Sektoru uniformisane policije, a nakon toga načelnik Treće PU i načelnik Odjeljenja za razvoj načela i zaštitu tajnih podataka u Jedinici za profesionalne standarde.

U periodu od 2017. godine do imenovanja na poziciju komesara Uprave policije MUP-a Kantona Sarajevo, obnašao je dužnosti načelnika Prve, Četvrte i potom Šeste PU.

Diplomirao je na Pravnom fakultetu Univerziteta u Sarajevu, te stekao zvanje diplomiranog pravnika. Tokom profesionalne karijere, završio je veći broj seminara i specijalističkih obuka.